

Orohatplána Boazodoallolága § 62

Geassemánnu 2021

Orohat 30B-Guovdajohtolat

Ovdasátni

Boazodoallolága § 62 vuodul galgá orohatstivra ráhkadit orohatplána mas galget leat orohaga doaimmaid birra dieđut mat leat dárbbášlaččat almmolaš planemis.

Orohat 30B-Guovdajohtolaga stivra lea ráhkadan orohatplána mas čilgejuvvo e.e. eana- ja fievrogeavaheami birra ja makkár huksenjurdat leat orohagas. Plánaáigodat lea jurddašuvvon viđa jahkái(2021-2026), muhto sáhtta rievdaduvvot ovdal jus lea dárbu.

Guovdageaidnu 14.06.2020

Johan Anders Kemi	Anders M. Buljo	Anders Nils J. Gaup	Anders Isak A. Gaup
Jodiheaddji	Nubbinjodiheaddji	Stivralahtu	Stivralahtu

John Nils Peder H. Gaup	Ante Johan Skum	Piera Eira	Johan S. Buljo
Stivralahtu	Stivralahtu	Stivralahtu	Stivralahtu

Sisdoallu

1. Orohat 30B-Guovdajohtolat.	siidu 3
2. Áigodat guohtumiid, guottet -, čakča –, ragat- ja dálvebáikkiid birra.	3 - 4
3. Makkár dárbbášlaš fievrut leat, ánu birra ja njuolggadus.	5
4. Áiddit, gárddit, gárdesajit ja áidesajit.	5

1. Orohat 30B-Guovdajohtolat

Oarje-Finnmárkku boazodoalu čakča-, gidđa- ja dálveguohtuneatnamat leat juhkon golmma orohahkii ja leat ožžon namahusaid Orohat 30A, 30B ja 30C.

Orohat 30B-Guovdajohtolaga guohtuneatnamat leat eanas Guovdageainnu suohkana rájiid siskobealde, muhto okta buorre oassi lea maid Áltta suohkanráji siskobealde. Muđui guoska oarjjabeale rádji Kvænangen suohkani.

Orohagas leat oktanuppelohkai geasseorohaga ja dat leat 25-Stierdna, 26-Lákkonjára, 27-Joahkonjára, 28-Cuokcavuotna, 29-Seakkesnjára ja Silda, 32-Silvvetnjára, 33-Spalca, 40-Orda, 41-Beaskádas, 19/32T-Ivgu/Láhku, 33T-Ittunjára, 11T-Ráidna ja 19-Sállan (4 siidaosi).

2. Čilgejummi áigodatguohtumiid, guottet -, čakča –, ragat- ja dálvebáikkiid birra.

Orohat 30B – Guovdajohtolagas leat golbma (3) váldo áigodatguohtoneatnamat: gidđa-, čakča- ja dálvebáikkid. Gidđa- ja čakčaeatnamat lea seamma guovlu. Dat eatnamat guođohuvvojit gidđadálvve, gidđat, gidasgease, čakčagease, čakčat, čakčadálvve ja skábman.

Orohaga guođohanáigemearit dain eatnamiin leat 01.03 – 01.07 ja 15.08 – 31.12.

Dálveeatnamat ges guođohuvvojit skábman, dálvet ja gidđadálvve. Orohaga guođohanáigemearri dain eatnamiin lea 15.10 – 10.05.

Guottet- ja ragatbáikkít leat gidđa ja čakčaeatnamiid siskobealde. Eanas siiddat leat guottet- ja ragatáigge gidđa- ja čakčaeatnamiin, orohat 30B siskobealde. Eanas gidđa- ja čakčaeatnamat leat juhkkovuvvon guovdajohtolaga geassesiiddaid gaskal.

Dálvesiiddain leat iežasiid dálveguohtoneatnamat Guovdajohtolaga dálveorohagas ja johtin dohko čađahuvvo árbevirolaš johtingeainnuid mielde guohtunáigemiid siskobealde. Danin go dálveorohatrádji ii leat čielggaduvvon, de ii leat kárta mielddusin dán pláanas.

Eanas dálvesiiddaid siidaossodagain leat bartat iežaset dálveguohtoneatnamiin ja siiddain fas leat iežaset gárddit dahje gárdesajit doppe. (Mielddus 2)

Johtimat dálveguohtoneatnamiin gidđaguohtoneatnamiidda čađahuvvojit álggogeahčen cuoŋománu gitta álggogeahčai miessemánu guođohan áigemiid siskobealde ja čađahuvvo árbevirolaš johtingeainnuid mielde.

Johtimat gidđaguohtoneatnamiiguin geasseorohagaide čađahuvvojit álggogeahčen cuoŋománu gitta loahpageahčai gassemánu guođohan áigemiid siskobealde ja čađahuvvo árbevirolaš johtingeainnuid mielde.

3. Makkár dárbbášlaš fievrrut leat Guovdajohtolaga boazodoalus

Mohtorfievrrut mat sáhttet geavahuvvot guovdajohtolaga boazodoalus leat 2 juvllat sykkelat, ATVat, muhtascooterat, bealta-biillat, girdit ja helikopterat.

Váldonjuolggadus bievlavuodjimii gidđa- ja čakčagohtuneatnamiin lea ahte vuodjimát eai galgá dahkkot earágo áideguoraid ja mađijaid mielde ja muđui boazobarggu oktavuodas.

Bievlafievrruiguin eai oáččo vuodjit dálveorohagain. Johtolatstivra sáhttá addit lobi earenoamáš dilis.

4. Áiddit, gárddit, gárdesajit ja áidesajit.

Guovdajohtolat geasseorohagat leat searválaga huksen áiddiid ja gárddiid gidđa- ja čakčaeatnamiidda. Dárbbu ja anu mielde geavahuvvojit mobiila gárddit ja áiddit mat čorgejuvvojit eret maŋŋel geavaheame.

Dán plána áigodagas lea Spalccahasain mihttu hukset njuovvangárddi Sturorajávri-vuopmái.

Dasa lassin galget dat gárddit mat leat biilaluottaid lahka divvojuvvot nu ahte sáhttá čadahit njuovvamiid.

Dan plána áigodagas galgá maid johtingaidnu Čuvošjávregátti (Storvannet, Alta suohkanis) buoriduvvot nu ahte sáhttet buorádatgidaid maid johtit suvdingárdái Kvenvikas dábálaš vuogi mielde.

Viidaseappot galgá dán plána áigodagas ohccot huksenlobit gárddiide main odne ii leat punktfeasta/tomta.